

## Werk

**Titel:** D. Jo. Frid. Blumenbachii Institutiones Physiologicae.

**Autor:** Blumenbach, Johann Friedrich

**Verlag:** Dieterich

**Ort:** Gottingae

**Jahr:** 1821

**Kollektion:** Blumenbachiana

**Digitalisiert:** Niedersächsische Staats- und Universitätsbibliothek Göttingen

**Werk Id:** PPN659038048

**PURL:** <http://resolver.sub.uni-goettingen.de/purl?PPN659038048>

**OPAC:** <http://opac.sub.uni-goettingen.de/DB=1/PPN?PPN=659038048>

**LOG Id:** LOG\_0034

**LOG Titel:** Sectio XXVIII. De Functione Intestinorum

**LOG Typ:** chapter

## Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

## Contact

Niedersächsische Staats- und Universitätsbibliothek Göttingen  
Georg-August-Universität Göttingen  
Platz der Göttinger Sieben 1  
37073 Göttingen  
Germany  
Email: [gdz@sub.uni-goettingen.de](mailto:gdz@sub.uni-goettingen.de)

—

S E C T I O   X X V I I I .

DE

F U N C T I O N E   I N T E S T I N O R U M .

—

## §. 405.

Ipse vero intestinalis tubus, cui praetenditur omentum, et in quem delatum vidimus (§. 362. 363.) chymum, ulterius in eodem ita elaborandum ut chylus a faecibus separari possit, in binos dividitur tractus principes, tenuium sc. et crassorum; de quorum functionibus seorsim,

## §. 406.

Tenuia \*) autem iterum in ternas sectiones dispescunt: duodeni, ieuni et ilei.

Illi a longitudinis ratione, obiter habita nomen inditum est.

---

\*) CHR. BEANH. ALBINI *Specimen anat. exhibens novam tenuium hominis intestinor. descriptionem* LB. 1724. 8.

Isti a habitu, quod nempe in recenti funere plerumque collapsum appareat, quasi inane cum hoc postremum contra idemque longissimum, quod a gyris denominarunt, magis turgens et quasi inflatum, imo iam quodammodo crassorum in modum in bullas hinc illinc divisum appareat.

## §. 407.

Tunicae tenuium in universum similes iis quas ad ventriculum diximus (§. 354.).

*Extima mesenterii propago est.*

*Muscularis* ex duplicis ordinis fibris constat: longitudinalibus nempe, interruptis, exterius decurrentibus, maxime ea in facie intestini, quae mesenterio ex adverso opposita est; tum vero interioribus annularibus s. falcatis, quae lumen tubi angustant, cum priores contra eundem breviorem reddant. Ab utrisque vividissima et diutissima intestinorum irritabilitas pendet, cuius alias meminimus (§. 300.).

*Nervea ex cellulosa compingitur stipata; et facili encheiresi, flatu praesertim, iterum in spumosam quasi telam resoluti potest \*); in eadem quoque vasorum sanguiferorum ad meseraica \*\*) pertinentium elegantissimae arbusculae \*\*\*) distributae sunt; eademque intestinis ut ventriculo tenacitatem et robur impertit.*

Intima denique, tenerrimo suo epithelio obducta, quae quidem in tenuibus magis quam in reliquo alimentari tubo *villoso* nomen vere meretur, iunctim cum praecedentis membranae interiore facie hinc illinc in iuga undulata et plicas rugosas abit, quae in inflatis et exsiccatis intestinis falcatam aciem praferunt, tumque valvulae conniventes s. *Kerkringiana* appellantur †).

\*) B. S. ALBINI annotat. acad. L. II. tab. IV. fig. 1. 2.

\*\*) EUSTACHII tab. XXVII. fig. 2. 4.

\*\*\*) B. S. ALBINI diff. de arteriis et venis intestinorum hominis c. icon. colorib. distinct. LB. 1736. 4.

EJ. annotat. acad. L. III. tab. I. II.

†) KERKRINGII *spicilegium anatomicum* tab. XIV. fig. 1. 2.

## §. 408.

Ipsi autem *villi* quorum ingenti vi \*) intima ea tenuium superficies arctissime obsita est, et quorum elegantissimam structuram subtilissime vasculosam primus curatius indagavit simul autem passim ultra naturae veritatem ornavit Lieberkühnius \*\*), quamdiu chylo vacuum est intestinum, laxe pendulis quodammodo comparari possunt perulis, molli contextu spongioso intus scatentibus; quando vero intestinali eo lacte resorpto turgent, tunc forma mutata fere phalli esculenti speciem p<sup>re</sup>a se ferunt.

\*) Circ. ad 500,000 contineri tenui intestino adulti hominis, LIEBERKÜHNII ratio est.

\*\*) *De fabrica et actione villorum intestinor. tenuium hominis.* LB. 1745. 4.

JAN. BLEULAND *descriptio vasculorum in intestinorum tenuiun tunicis.* Ultraj. 1797. 4.

R. A. HEDWIG *disquisitio ampullarum Lieberkühni.* Lips. eod. 4.

C. A. RUDOLPHI *Anatomisch-physiologische Abhandlungen.* Berol. 1802. 8. pag. 39.

## §. 409.

Cinguntur autem ad basin suam villi innumeris *folliculis glandulosis*, qui maxime nerveae tunicae inhaerent, ostiolo autem perexiguo in cavum intestinale penetrant, illincque mucum suum tradunt, quo universus ille tubus intus oblitus est.

Et quidem triplices harum glandularum ordines constituunt: Brunnerianas sc. maiores, easque discretas, maxime ei duodeni parti inspersas, quae proxime pyloro subiecta est \*); tum Peyerianas, minores, agminatas, praesertim alteri intestini tenuis extremito inhaerentes \*\*), quo valvula coli spectat; denique Lieberkühnianas minimas, quarum octonae circ. ad singulum villum pertinere dicuntur \*\*\*); quarum vero

\* ) Jo. CONR. A BRUNN *glandulae duodeni s. pancreas secundarium*. Francof. 1715. 4. fig. 1.

\*\*) Jo. CONR. PEYER *de glandulis intestinalibus*. Scafhuf. 1677. 8. maxime fig. 3.

\*\*\*) LIEBERKÜHN l. c. p. 17. tab. III.

priores ordines quales nempe iconibus citatis exhibentur, adeo inconstantes mihi visi sunt ut potius ad vitiatum et morbosum statum eos pertinere putarim \*); cum saltem non una vice in sanissimis variae aetatis hominum intestinis tenuibus ne vestigium quidem eiusmodi papillarum fungosarum, poro pertusarum invenerim; in *aphthosis* e contrario subinde universum fere intestinalem tubum infinita plane vi earum, partim singularium partim congregatarum, obsitum viderim \*\*).

### §. 410.

Uti in ventriculum, ita etiam in tenuium intestinalorum cavum depluere *sucum*, quem ideo *entericum* s. *humorem intestinalem* vocant, praeter alia vulgato experimento, quod Pechlinus \*\*\*), ni

\*) aliter vero sentientem v. cl. RUDOLPHI l.c. p. 212.

\*\*) Et haec quidem *aphthae* intestinales ut ova ovo simillimae erant iis tuberculis, quae J. SHELDON opere infra citando tab. I. pro ampullulis chylo turgentibus exhibuit.

\*\*\*) *De purgantium medicamentor. facultatibus.*  
pag. 509. — tab. IV.

fallor, primus instituit, evictum est. Natura sua haud absimilem esse gastrico li- quori probabile videtur, quanquam cu- rator eius indagatio adhuc ad desiderata physiologica pertineat; neque de quanti- tate qua secernitur quidquam statuere ausim, quam Hallerus sane nimis lar- giter, si quid recte video, ad octo libras per nycthemerum constituit.

## §. 411.

Porro et hoc intestinis cum ventriculo commune est, ut similiter, imo certius, aut sane vividius *peristaltico motu* \*) agitentur, qui maxime quamdiu chymosa puls ipsa transit, eandem undulatoria et erratica constrictione hinc illinc leniter subigat, et a duodenali parte versus crassa propellat. Etsi enim et antiperistaltica commotio negari nequeat, qua subinde retrograda agitatione convelluntur, ea

\*) BENJ. SCHWARTZ *de vomitu et motu intestino- rum*. LB. 1745. 4.

JAC. FOELIX *de motu peristaltico intestino- rum*. Trevir. 1750. 4.

tamen in sano homine priore longe debilior et rarer et brevioris momenti existit.

## §. 412.

Et hactenus quidem recensitis viribus principibus tam moventibus, quas modo diximus, quam menstruis et alternantibus humorum inquilinorum quos chymo passim affundi vidimus, memorabiles contingunt huicce ipsi mutationes\*), maxime eo redeentes, ut in iejuno aequabilis mixtionis liquidiores pultem referat, grisei fere coloris, odoris vero acidusculi: postquam autem in ileum pervenerit, in binas partes secedere incipiat; faeces nempe ex flavo pallide bruneos \*\*),

\*) cf. egregias observationes et experimenta A. E. FERD. EMMERT in *Archiv für die Physiologie* T. VIII. p. 145.

\*\*) Colorem faecum biliosum ab ipsa excrementitia bilis parte derivandum esse supra (§. 387.) iam dictum est. In iejuno quidem bilis adhuc integra sequibili intestinali pulsi admixta, ideoque dispersa quasi et diluta genuinum suum colorem exhibere nequit: postquam vero ulteriore progressu in binas partes secessit, altera

nauseosi odoris et qui ipsis supernatat,  
genuinum chylum, e chymo emulsum,

---

earum, excrementitia nempe, faecibus prae-  
cipitatis admixta, et quasi denuo concentrata,  
pristinum nunc colorem monstrat, eundem  
que faecibus ipsis impertit.

Aliter quidem de origine biliosi faecum ileo  
contentarum coloris sentit C. F. WOLFF (in  
*Act. Petropolit.* a. 1779. P. II. p. 245.) cum no-  
vam portionem bilis circa ieiuni fines acce-  
dere arbitratur, *exhalando de vesica fellea*,  
*penetrandoque in hac sede in intestinum et in*  
*intestini contenta*; quae diversa forte a bile  
choledochi, certe non ita cum faecibus, ut  
illa cum chymo misceatur, dum proprium  
suum colorem ad anum usque conservet, ve-  
raque adeo bilis permaneat.

At enim vero, praeterquam quod in prompta  
causa sit, quare non prius quam chymus et  
bilis ipsa in partes suas secesserint, color iste  
observari possit, dubium mihi adhuc videtur  
num unquam in homine vivo et sano fel ex-  
eytide sua exhalare et in vicinum intestinum  
penetrare possit; cum sane in funeribus recen-  
tissimis et fere adhuc calentibus vix bile tincta  
viderim vicina intestina, quae praeterlapsis  
pluribus post mortem horis aut diebus, late  
et saturate bilioso pigmento infecta observavi,  
quando nunc atonica et iners vesica conten-  
tum fel iniquius retinebat, idemque membra-  
nas eius largius transudans vicinas regiones  
inquinabat.

bilis ope a faecibus separatum, et resorbtioni in lactea vasa destinatum, quo eundem sequenti sectione ulterius comitabimur, iam prius visuri quaenam porro residuis faecibus via legenda sit.

## §. 413.

His ergo, postquam diutino per ileum itinere magis magisque inspissatae fuerint, valvula coli superanda et ita in crassorum tractum transeundum est; quo scopo ilei vicinum extremum eo copiosiore muco intus illitum et lubricatum est, ut eo facilius istae faeces exinde per ipsam valvulam delabi possint.

## §. 414.

Est autem *valvula coli* \*) s. ut a vero inventore non immerito appellari potest, *valvula Fallopii* \*\*) ilei quod in crassi

\*) HALLER *de valvula coli*. Gotting. 1742. 4. — recus. in *Oper. minor.* T. I. p. 580 sq.

Jo. MICH. RÖDERER *de valvula coli*. Argent. 1768. 4.

\*\*) Notissimi sunt de vero memorabilis huius valvulae inventore, auctorum dissensus, de qui-

idem amplectentis cavum penetrat, continuatio brevis seu processus, cuius labia exteriora altius prominente ruga crassi intestini ita constituuntur \*), ut non so-

bus adeant quorum interest, HALLERI *elementa*  
T. VII. P. I. pag. 142.

Certus interim scio, diu ante eorum tempora quibus egregium illud inventum vulgo tribuitur, id ipsum ad amissim cognitum et perspectum fuisse viro summo et de humana anatomie immortaliter merito GABR. FALLOPIO. Extat enim eius codex quidam anecdotus in Bibliotheca academie nostrae, in quo praeter alia continetur quoque EJ. *anatomiae simiae*, ubi in demonstratione publica Patavii habita d. 2. Febr. a. 1553. valvulae colti stru-  
cturam et usum sequentibus explicat: "Cœci usus est in simiis ne regurgitet cibus ad partes superiores cum prona incedunt: quodque hic usus sit, signum est, quia si in rectum aqua immittatur, aut flatus, perueniet in cœcum, non transgredietur autem crassa. At si superius immittatur, pertransiet. Ratio est: quia ad insertionem ilei plica sunt duae quae in inflatione et repletione comprimuntur, ut in corde fit, et prohibent regressum: unde nec clysteria possunt pervenire ad partes illas, et pertransire, ita ut efficiantur per vomitum in homine, nisi debilibus et morbo existentibus intestinis."

\* ) Recentis et intemeratae valvulae iconem exhibit  
B. S. ALBINUS *annotat. aead. L. III. tab. V, fig. 1.*

Ium veluti in aliis id generis plicis intima tantum et neruea, sed et muscularis tunicae fibrae ad eandem concurrant. Duplex exinde nascitur eius functio, ut nempe tam praeposterum faecum e tenui in crassa transitum, quam eorundem ex his in illud regressum impedit.

## §. 415.

Crassum intestinum, quod ipsum item ut tenui in ternas sectiones diuiserunt, a coeco incipit [cui processus adhaeret *vermiformis*, dubii in adulto homine usus particula \*]) et in universum peramplum exhibit alveum, ut scybala in eo sensim colligi et ad opportunam usque excretionem retineri possint.

## §. 416.

Vt diametro ita et tunicarum crassitie et robore tenuia excedit. Muscularis praesertim id singulare habet, quod fibrae

---

Flatu vero et exsiccatione mutatam v. in  
SANTORINI tab. posth. XIV. fig. 1. 2.

\*) LIEBECKÜHN de *valvula coli et usu processus vermicularis*. LB. 1759. 4.

eius longitudinales si recti partem extre-  
mam excipias, in terna sic dicta liga-  
menta coli \*) collecta sint; ipsumque in-  
testinum in bullosa quasi segmenta di-  
stinguatur. Intima vero non adeo ele-  
ganter floccosa est ac in tenuibus, sed isti  
similior quae ventriculi cauum inuestit.

## §. 417.

Motus peristalticus crassis minus vi-  
vidus esse videtur quam tenuibus. Maior  
e contrario preli abdominalis in eadem  
actio, cum universum *colon* ipsi proxime  
subiectum sit.

## §. 418.

Et ita contenta crassis scybala lente  
promouentur donec tandem in *rectum*  
delata stimulo interno de excretione mo-  
neant et urgeant, cui facilitandae partim  
defectu rugarum transuersarum, paefer-  
tim vero ingenti muci copia prospectum

---

JOACH. VOSSE *de intestino coeco eiusque ap-*  
*pendice vermiciformi.* Gotting. 1749. 4.

\*) EUSTACHII tab. X. fig. 2. 4. 5.

356 SECTIO XXVIII. DE FUNCT. INTEST.

est, id ipsum extremum intestinum interius lubricante.

§. 419.

Perficit vero eam excretionem maxime abdominalis preli deorsum urgentis nixus, superans resistentiam coccygis et utriusque sphincteris, quorum interior fibram annularium insignis fasciculus est, exterior vero musculus vere cutaneus; quibus peractis, remittente nixu, levator maxime ani intestinum retrahit, a sphincteribus iterum clausum \*).

---

\* ) v. omnes has partes ex utroque sexu in SANTORINI tab. posth. XVI. et XVII.